

ALL NATIONS GOSPEL PUBLISHERS



www.angp-hb.co.za



info@angp.co.za

GUARANI Heart Book

KUIMBA'E HA KUÑA PY'APY (ÑE'Ã)

Copyright ANGP

COPYRIGHT

ISBN 978 - 1 - 920322 - 62 - 5

E-MAIL : info@angp.co.za

ALL NATIONS GOSPEL PUBLISHERS

P.O. Box 2191, PRETORIA, 0001, R.S.A.

(Esta mision cristiana de literatura se sostiene con ofrendas)

(Reg. No. 1961/001798/08)


Kuimba'e ha kuña py'apy (ñe'ã)

Ñanderuete róga térã aña (Satana) róga

(1 Juan 3:4-20)

Ko kuatione'è ojehei Fráncia retãme, hetavérõ 250 áño-ma, ha ogueru heta ñepytyvõ milkuéra ãngape ġuarã rupi. Ojoguaite ningo Ñanderuete espéjope, ndéve ha chéve ġuarã, ohechaukávo mba'épa oí ñande py'apýpe ha mávapa ñanesãmbyhy Hesu Cristo, Ñanderuete Ra'y térãpa iñenemigo ha ñane enemigo avei, aña (Satana). Ha'e ombotavy rire Évape, ñepyrüeterãme paraísope, opaite iñemoñarenguéra oiko aña (Satana) poguýpe, ha'e ningo ombyaiséva Ñanderuete rembiapo ha ñandejukase avei ñandéve ñembotavy rupi, ojapo háicha pirakutuhára, omoïvo ipindápe peteĩ mba'e héva pirakuérape ġuarã. Upévore Hesu Cristo, Ñanderuete Ra'y, ou ko yvy apére ombyai haġua aña rembiapo (1 Juan 3:8 b), Ha'e ñandep'e ase aña poguýgui, jaipota ramo, ha ome'ése ñandéve pe tekove tapia guaráva ñande apohare ndive, (Juan 3:16).

Hesu Cristo ningo he'i: "Kuimba'e ha kuña py'apýgui ningo osé hembiaipo vairã ipensamiento vai rupi: Mendare mbyairã, monda, porojuka, ñemoakaratĩ, takate'y, ñaña reko, porombotavyse, ñe'ë rei hapicháre, envidia, ñe'ë vai (maldicion), jererovu, tarova". Opa ko'ã mba'e vai osé ñande py'apýgui, ha omongy'a ñande rekove, (Márkos 7:21-23a). Upévore, anítei ñamokañyse ñane rembiapo vai Hesu Cristo renodépe, jaip'e a katu ñande py'apy Ichupe ġuarã ha jajerure Ichupe, Ha'e oiko haġua ñande py'apýpe, omosévo ñane rembiapo vai ñande py'apýgui. Hesu Cristo ñanerenói jaju haġua Hendápe opaite ñanekane'õva ha ñañeha'ãmba reíva, Ha'e voi ñanemombytu'úta, (Matéo 11:28).



TA'ĀNGA PETEĨHA

Ko ta'ānga, pe kuimba'e akã guýpe, ojehecha ñande kuimba'e ha kuña py'apy, oĩháme heta mymba, ohechaukaséva ñande reko ivai ha iñañaha ñane mitã ára guive, (Génesis 8:21b). Ha pe proféta Jeremías he'ì: "Kuimba'e ha kuña py'apy, hova mokõi ha iñañaite, máva piko ikatu oikuaa porã ichupekuéra" (Jeremías 17:9).

PIRU (Pávo Real)

Pe piru peteĩ tymba iporã ha ijejapo itereíva, ha ohechaukase opaite ñande kuimba'e ha kuña, ñañembotuichase, ñandejerógui (ñande orgullósogui). Lúçifer, ñepyrúme, peteĩ ángel ruvicha guasu iporãva, ha oñembotuichaségui oñemoĩva'ekue Ñanderuete rehe ha upéicha oiko ichugui aña, Sata, (Isaías 14:8-17; Ezequías 28:12-17).

Heta kuimba'e ha kuña oñembotuicha ipirapire heta rupi térã iñarandu rupi, térã ipu'aka rupi, ambuekuéra katu hete térã ijao porã rupi. "Ñanderuete oñemoĩ umi oñembotuicháva rehe, upe oñemomirívape katu Ha'e oipytyvõ" (1 Pédro 5:5b). "Upe oñehundítava oñembotuicha raé, ha upe oñembotuicháva katuete ho'ava'erã (Provérbios 16:18).

KAVARA MÁCHO

Péva peteĩ tymba ikatí ha itie'yva, ojepy'ara'ásénteva kuñáre. Oñe'ẽ teko tie'y, joguereko menda'yre, mendare mbyairã rehe. Koichagua angaipa (tembiapo vai) ha ivaivéva oñembohetave ohóvo ñande árape opaite yvy apére, ehecha Génesis 19:1-18-pe. Koichagua teko ky'a, aña omyasãiva ohóvo ta'ānga rupi, cinéma ha television rupi, térã heta kuatiañe'ēnguéra rupi terã jeroky rupi avei. Pe tríbu Zulu ojukava'ekue kuimba'e ha kuñakuérape ombyaiva'ekue imeन्दare rekove. Ha Jose, Génesis 39:1-23-pe ome'ẽ ñandéve avei peteĩ ejémplo iporãitéva, ojejoko porãgui, Ñanderuete oipytyvõ porã haguére ichupe. Upéva, Ñanderuete kuatia-

ñe'ẽ he'i ñandéve: "Pekañy teko ky'águi. Opaichagua tembiapo vai pe kuimba'e térã kuña oja'póva ningo oiko hete oka gotýo, pe teko ky'a (pe oikóva ambue kuña térã kuimba'e ndive) katu hete tee rehe oñemohembiapo vai. Ndapeikuaái piko pende rete ha'eha Espiritu Santo (Pytu Porãmbáva) róga, oíva pendepype, ha napenemba'eiha. Hepyete ningo Ñanderuete pendejoguava'ekue, upévare pemomba'eguasu avei Ichupe pende retepýpe," (1 Corintoyguápe 6:18-20).

KURE

Pe kure ohayhu pe tuju, ha ho'use iterei opaichagua mba'e. Pe kure omongy'a háicha hete tujúpe, péicha avei heta kuimba'e ha kuña omongy'a hekove káña rupi, cigarillo rupi, marihuána rupi térã heta iterei tembi'u rupi, cervéza térã vinó rupi, térã heta iterei so'o rupi, ifiésta térã farrahápe. Ñanderuete ojapo ramoguare Adan ha Évape ome'ẽ ichupekuéra hembí'urã ramo opaite ka'avo ha'yíva ha yvyra hi'áva, ha'yí reheve, (Génesis 1:29). Lúcas 16:19-31-pe Hesu Crísto omombe'u peteí kuimba'e imba'e hetáva rehegua. Ha'e oñemonde porã iterei ha oja'póva meme árape karu guasu, ha ndoiporiahuverekoséi peteí imboriahu ha hasývape oikóva ijykére. Ha'enteségui oho aña retãme. 1 Corintoyguakuérape 6:9-11 ha Galaciayguakuérape 5:21 hei: "Umi heko ky'áva, umi ha'enteséva, umi oka'úva, umi okaru heta itereíva ndoikemo'ãi Ñanderuete retã guasúpe". Ñanderuete oipota ñande, kuimba'e ha kuña, rete toiko Ñanderuete róga ramo, oikohápe Espiritu Santo (Pytu Porãmbáva).

KARUMBE

Pe karumbe oñe'ẽ teko ate'y ha tekove omba'apose'yva rehe. Provérbios 21:25-26-pe he'i: Pe iñate'yva rembipotava vai ojuka ichupe, ipokuéra nomba'apóigui. Oí tapicha ojerurerure asýva hapichápe ha araka'eve nahyġuatãmo'ãi, pe heko poráva katu ome'ẽ, ha ndaipojopýi. Heta kuimba'e ha kuña ikaigüe ha iñate'yva oheka Ñanderuete pytyvõ, Ha'e omongaru rei haġua ichupekuéra, (Juan 6:5-15). Upévare

Hesu Crísto he'i: "Peñeha'ã katu peike haġua pe okē pychi'ĩ rupi, ha upe oñeha'ãva ojohúta," (Lúcas 13:24). Upévare, Ñanderuete he'i: "Upe omba'apose'ỹva, anítei okaru avei," (2 Tesalonicayguakuérape 3:10c). Ñanderuete ñanepytyvõse, oipota katu ñamba'apo avei, (Efesoyguakuérape 4:28). Upe oiko reíva ho'a pya'eve aña ñuháme. Ñane'ate'ỹ ramo jaheka haġua ñande Salvador Hesu Crístopé ñañehundiva'erã. Ñanderuete oñe'ẽ ramo jepe ñandéve ñandeavisa haġua, aña katu he'i: natekotevéi ningo rehendu ko'áġa, ko'erõ térã ambue ára ikatu rehendu gueteri Ichupe. Ñanderuete katu ombohavái ñandéve: "Ko árape rehendu ramo che ñe'ẽ nepepirúva (nerenóiva) ani remy'atã ne ñe'ã (korasõ), eheja taike ipype ha tapyta ipype (Hebreoyguakuéra 3:7-8).

JAGUARETE

Pe jaguarete ipochy, ipy'a guasu ha oporomongyhyje. Ichugui okyhyje opaite mymbakuéra. Kuimba'ekuéra jepe okyhyje ichugui. Jaguarete reko oĩ ramo ñande py'apýpe ningo oimeraẽ mba'e ñanembopochy. Hasyete japoi jevy haġua ñande pochy ha py'arógui, ha ñaperdona haġua ñande rapichápe. Sapy'ante avave ndohechakuaái ñandepochyha, ñande pochy ikirirĩgui. Ñande py'ápe katu oiko peteĩ jaguarete okororõ hatávaicha, ojeityséva hapichápe oġuahẽ guive peteĩ oportunidad poráva. Ko teko vai kóva katuete ñanembyaiva'erã. Heta kuimba'e ha kuña ombopoguyse ipochy ha ipy'aro káña, cerveza, víno térã marihuána rupi, ko'ã mba'e ndaha'etí peteĩ pohã iporáva, ñanembyaive katu. Ambuekuéra ombopoguyse ipochy ha ipyaro oñevengávo, ko mba'e kóva ndaha'etí avei pohã iporáva, ojukágui hapichápe, omoingéta hikuái ichupe ka'irãime (cárcelpe). Pe pohã japoi haġua ñande jaguarete rekógui, ndajajohumo'ái ñandepype, tekotevé jajerure peteĩ imbaretévape ñanepytyvõ haġua, ha péva ningo Hesu Crísto ha pe Espíritu Santo (Pytu Perãmbáva) (Efesoyguakuérape 4:24). Hesu Crísto ome'ẽse ñandéve pe pu'aka Espíritu Santo (Pytu Perãmbava) rupi, ñaperdona haġua ñande rapichápe, jahechakuaa haġua ñande voi jajavy tuichaveha Ñanderue-

te, ñande apohare ndive, ñande rapicha ojavy haguégui ñanendive. Matéo 6:12-pe he'i: "Ore Ruete eperdonamína ore rembiapo vaikue, ore roperdona haguéicha ore rapichápe hembiaapo vai ojapova'ekue orerehe".

MBÓI

Pe mbói ombotavy Évape yvotyty Edénpe, ha upeguive ombyai pe vy'a ha py'aguapy Adan ha Éva oguerekova'ekue Ñanderuete ndive. Aña, oñemokañy mbói ryepýpe, oenvidiava'ekue Adan ha Évape oñangarekóvakuri ko múndo rehe, upévare ombotavy ichupekuéra opyta haḡua hendaguépe ko múndo jára ramo. Pe tapicha oikóva envidia poguýpe oñeha'ãmba ohupity haḡua avei hapicha mba'e sapy'a hekópe, hetave katu hekope'y. Oĩ upe tapicha oguatáva yvy rupi ha ohechávo ambuépe ohasáva pya'e ibiciclétape, oñeha'ã avei ohupity peve ibicicletarã, ohechávo katu ambue ohasáva pya'e imótope omba'apo'yre, oñeha'ã avei ohupity peve imotorã, ha upéi icocherã, araka'eve noñecontentái umi mba'e oguerekóva guive reheve. Peteĩ kuñataĩ ojogua peteĩ sái pyahu, ha upéi ha'e ohecha ramo hapicha oguerekoha peteĩ sái iporãvéva imba'évagui, isai pyahu nombovy'avéima ichupe, oipotánte hapicha mba'eichagua. Ñande ñaikotevẽ pirapire rehe jajogua haḡua tembi'u, ao ha ambue mba'e jaiko haḡua ko yvy apére.

Pe pirapire ndaivaíri, ahayhuve ramo pe pirapire che Apoharégui, upépe oñepyrũ pe angaipa, pe mba'evai. 1 Timotéope 6:10-pe he'i: "Pe pirapire rayhu etereígui okakuaa heta mba'evai, hapógui hi'a opaichagua tembiapo vai"; ha oime ningo umi oipotata etereígui pirapire ndojeroviavéi Hesu Crísto rehe, ha upéi ha'ekuéra voi oñembohasyete opaichagua mba'evaípe, omondávo hapichágui. Pe pirapireita ndoguerumo'ãi pe py'aguapy ni pe vy'a añeteguáva heta opensa háicha, nahyḡuatamo'ãi uvei araka'eve, opaite árape oipotaveita katu. Pe imba'e reta itereíva jepe ojepy'amongeta mba'éichapa ikatu ombojo'ave (ombohetave) ipirapire ovy'ave

haġua; pe pirapire itereíva ojogua peteĩ mba'asy vaíva okuera'ývape, (Lúcas 12:16-21). Hesu Crísto ñanembo'e porã Lúcas 12:22-30-pe. Ha he'ive: "Peheka raẽ uvei Ñanderuete retã guasu toñembohetave tohóvo, ha opaite mba'e peẽ peikotevéva guive peiko haġua, oñeme'ëta katuete peẽme" (Lúcas 12:31). Pe mba'epota iterei (envídia) katu ojogua úrape, ñane akãre oívape, (Provérbios 14:30b). Oĩháme mba'epota iterei (py'a rasy) ha ñembotuicha, upépe oĩ avei sarambi ha opaichagua tembiapo vai, (Tiágo 4:16). Oĩ avei ojeroviáva Hesu Crístore umi omyasãiva Hesu Crístore ipy'a rasýgui térã oñorairóségui, (Felipoyguakuérape 1:15a). Ko'áva katu ndoikemo'ái Ñanderuete retã guasúpe (yvágape), (Mateó 7:22-23).

KURURU HA LEMBU

Pe kururu ha lembu oñe'ë paje rehe. Heta kuimba'e ha kuña ojapouka térã ojapóva paje, omuña (oforza) péva rupi oiko haġua hembipota vai. Ñanderuete ndoipotái peteĩ tapicha oforza hapichápe ojapo haġua hembipota vai. Ñanderuete, ñande Apohare ramo jepe, ndojopýi Adan ha Évape ojapo haġua hembipota porã Edénpe (paraísope) omoĩ 2 yvyra Eden mbytépe, ha'ekuéra oiporavo haġua haperã. Ñanderuete rekove rape poráva, ho'úvo pe tekove yvyra'a térã aña ñemano rape, ho'úvo pe yvyra'a oikuaaukáva mba'eporã ha mba'evai, (Génesis 2:9). Ha Deuteronomio 18:10-12-pe he'i: "Ani oĩtei pende apytépe oikuave'ëva ita'yra térã itajýrape, térã ta'yvõhára, ni oĩtei oporombopajeva térã pajesérova, ni ovenséva, térã ojapóva encánto, térã paje, térã omba'eporandúva omanova'ekuépe (pytu vaípe térã demoniokuérape)". Ha Apocalipsis 22:15-pe he'i paje apohára ndoikemo'áiha Ñanderuete retã guasúpe. Ha nde, remoñe'ëva ko kuatione'ëmi, eñembyasy rejapo térã rejapouka koichagua mba'e, katuete rembopochýva Ñanderuetepe, ejerure uvei Hesu Crístope operdona haġua ne rembiapo vai. Ha Hesu Crísto katuete neperdonáta rehosérõ añetehápe hapykuéri ha rejerovia nde py'aite guive Hese, uperõ lpyaguapy omyenyhéta ne korasõ

ha reikovéta tapia ġuarā Hendive.

Aña katu ndoiopotái nde repoi ichugui, ha oñeha'ãmbáta nde-joko haġua ipoguýpe, reho haġua hendive aña retãme (infiernope). Ñanderuete ningo oipota nde reiporavo pe tekove rape Hendive oíva, péicha reikove haġua tapia ġuarā. Áġa katu Ha'e nandepopyí, ojerurénte, ha nera'ārō uvei, ojapo haguéicha pe túva ita'ýra naiñe'ërenduséiva ndive, (Lúcas 15:11-24).

JASYTATA (mbyja)

Pe jasytata oñe'ë pe py'apyñe'ë rehe (conciencia rehe), oíva opaita kuimba'e ha kuña py'apýpe (korasõme). Pe jasytata mbytere hũ ningo he'ise heta jevy pe py'apyñe'ë ndoacusa porãvéima térã okirirí pe korasõjárape ijepokuaa vai rupi ha avei hembiaipo vai rupi. Pe jasytata mbytere morotí he'ise pe py'apyñe'ë oipytyvõ porã pe korasõjárape omyangekõivó ichupe ojavy hague. 1 Timotéope 4:1-2-pe he'i avei: "Pe Espíritu Santo (Pytu Porãmbáva) he'i voi porãmava'ekue: Umi ára paha gotýo oítaha umi opoíva ijeroviágui, ojapysaka haġua umi pytu oporombotavýva ha imbo'epy rehe, oúva umi ángel ñañanguérágui, oñemoímava'ekue Satana ndive Ñanderuete rehe". Ha'ekuéra tovamokõi reheve omysái iñe'ë japu; ha'ekuéra omokiriríse ipy'apyñe'ë oiko hagua aña (Satan) rembiguái ramo. Upévore, Hebreoyguakuérape 10:22-pe he'i: "Upévore ñañemboja Ñanderuete rendápe py'aporã ha jerovia mbaretépe, Ha'e omopotí haġua ñane ñe'ã (korasõ), ñande py'apyñe'ë, ha ojohéi haġua ñande rete y potítetépe" (bautismo rupi)".

ÑANDERUETE RESA

Ñanderuete ohechapaite oíva guive ñane ñe'ãme (korasõme). Ndaipóri mba'eve okañýva hesa mimbi renondégui. Upéicha ramo, oikuaa porã ñane pensamientokuéra ha avei umi mba'e jajaposéva.

UMI TATA RENDYMI

Umi tata rendymi oīva pe ñe'ã jerekuévo he'ise Ñanderuete mborayhu ha ijeporiahuvereco, Ha'e oguerekóva angaipavóra ndive ġuarã. Ñanderuete nda'ija'ei ramo jepe pe angaipa rehe (tembiapo vai rehe), Ha'e ohayhu angaipavórape ha oha'ārō heta ára pe angaipavóra ojevy hendápe, ha opoi haġua iñangaipágui, ani haġua omano. Umi tata rendymi oñe'ẽ avei Hesu Crísto ruguy rehe, ikatúvante omopotí ha operdona ñane angaipa ñañembyasyetérō ha japoi ramo jahávo, ñande reko tuja vai Espíritu Sánto rupi, (Juan 3:16).

ÑANDERUETE REMBIGUIETE (ángel)

Péva he'ise Ñanderuete kuatiañe'ẽ (Bíblia). Ñanderuete oñe'ẽse angaipavorakuérape oñembyasyete haġua oiko vai haguére hekovéképe, ha toheja Ñanderuete resape ha mborayhu toike ipy'apýpe (ikorasōme). Ñanderuete ñe'ẽ (Bíblia) oikovéva ipu'aka ha hakuave opaite kyse puku hāimbe jováivagui, ha oike ānga ha espíritu pa'ū meve, omboja'o peve kangue joajuha ha karaku, ombojovake haġua avei ñane pensamientokuéra ha ñande py'apy rembipota jepe, (Hebreoyguakuérape 4:12).

PYKASU

Pe pykasu oñe'ẽ Espíritu Sánto (Pytu Porāmbáva) ohechaukaha ñandéve pe angaipa ivaiha ha ñandeguerahataha aña retāme, ndajajerurúi ramo Hesu Crístopé Ha'e ñaneperdona ha oiko haġua ñande Jára ha Salvador ramo. Pe Espíritu Sánto (Pytu Porāmbáva) ndoikoséi peteí korasō henyhévape angaipágui. Upévore, jaiepe'a ñane korasō rokē oike haġua pe Espíritu Sánto (Pytu Porāmbáva) ñanepytyvō ñamosé haġua ñane angaipakuéra, ha omoambuéva ñande reko tuja vai, peteí teko potí pyahúpe, (Romayguakuérape 12:1-2).

TA'ĀNGA MOKŌIHA

Ko ta'ānga mokōiha ohechauka ñandéve ko kuimba'e (térã kuña) oipe'áva ikorasō rokē oike haġua Ñanderuete ñe'ẽ




(hi'ángel). Jahecha avei pe ángel oguerekoha ipópe peteĩ kyse puku hãimbe jováiva, péva ha'e Ñanderuete ñe'ẽ (Bíblia). Hebreoyguakuérape 4:12-pe he'i: "Ñanderuete ñe'ẽ oikove, ipu'aka ha hakuave opaite kyse hãimbe jováivagui, ha oike ãnga ha espíritu (pytu) pa'ũ meve, omboja'o peve kangue joajuha ha karaku, ombojovake haġua avei ñane pensamien-tokuéra ha ñande py'apy rembipota jepe". Ñanderuete Kua-tiañe'ẽ (Bíblia) he'i avei: "Angaipa repy ningo pe ñemano", (Romayguakuérape 6:23a).

Ñanderuete rembiguái oguereko ambue ipópe peteĩ tapicha akãngue, ñanemomandarandusevahína katuete oġuahétaha pe ára ñamono'õva'erãha. Ñande ñañangareko porãñaína ñande rete rehe, ñamongaru ha ñamonde porãva, heta jevy ñanderesarái katu, ñane ãnga ha ñande espíritugui (pytúgui). Ko ta'ãnga mokõihápe ohechauka ko tapicha ohenduhahína Ñanderuete ñe'ẽ ha oipe'a ikorasõ rokẽ pe Espíritu Santo (Pytu Porãmbáva) oisãmbyhy haġua ichupe. Ha pe Espíritu Santo (Pytu Porãmbáva) oisãmbyhyhápe oséva'erã mante pe ypytũ, ñane angaipa. Ha ñane angaipa, ojehechakáva umi mymba rupi, osẽ manteva'erã. Araka'eve ndaikatúi ñande voi ñanohẽ ñane angaipa ñande pu'aka térã ñane arandu rupi. Hesu Crísto ruguy ha Espíritu Santo pu'aka rupimante. Hesu oikévo Ñanderuete róga guasúpe Jerusalénpe, omosẽ avei umi oñemúvape upépe, ha he'i: "Che róga oñehenoiva'erã ñembo'eha róga, peẽ katu pejapo ichugui mondaha raity". Juan 8:26-pe he'i: "Pe Ta'ýra (Hesu Crísto) pendepe'a ramo angaipa poguýgui, añetehápe penesãsova'erã".

TA'ÃNGA MBOHAPYHA

Ko ta'ãnga ohechauka ñandéve pe kuimba'e oñembyasyete, ojapo haguére heta mba'evai. Pe kuimba'e ohechakuaáma ipu'aka térã iñarandu rupínte ndaikatúi ojesalva, oikotevéha uvei Hesu Crísto rehe, omanova'ekue kurusúre yvyariguakuéra rembiapo vai rehehápe, ha péva he'ise pe kurusu oíva pe



ángel po akatúape.

Hesu Crísto, heko porãitéva, omanóvo ikurusúre omoĩ Satana ipoguýpe ha Satana (aña) tekotevẽ opoi pe angaipavóra, ha'e oseguisse ha ojeroviase ramo Hesu Crísto rehe. Pe castigo opaite kuimba'e ha kuñakuéra omerecéva oñemo'angaipa haguére, Hesu Crísto osufri ikurusúre.

Pe kuimba'e, ohechakuaávo Hesu Crísto jehasa asyete ikurusúre, ojeruere asy Ichupe operdona haġua hembiaipo vai-eta, ha ha'e oñepyrũ ohayhuve ohóvo Hesu Crístope, (Lúcas 15:11-24). Ha ojei rire ichugui pe angaipa cárga ipohyietéva pe kuimba'e oñeñandu porã, ovy'a ha ipy'aguapýma, (Romayguakuérape 15:13).


Ko ta'ãnga mbohapyhápe umi mymba ha aña oséma pe kuimba'e py'apýgui, péva he'ise hembiaipo vai oñeperdonáma ha ha'e oñe'eha'ãmba Espíritu Santo (Pytu Porãmbáva) pu'aka rupi ojejoko ohóvo anive haġua ho'a jevy aña ñuhãme, ha'e oĩ ramo jepe ijerekuévo peteĩ jaguarete iñarõva ramo ombopoguy jevy haġua pe kuimba'épe, (1 Pédro 5:8).

Upévare Hesu Crísto ñandeavisa porã Matéo 26:41-pe, he'ivo: "Peñeñangarekóke ha peñembo'e ani haġua pejepy'ara'átei. Pe espíritu (pytu) ikyre'ỹ, pe to'o (ánga) katu ikangyete".

TA'ÃNGA IRUNDYHA

Ko ta'ãnga irundyhápe ohechauka ko kuimba'e kóva ojohumaha pe py'aguapy ha pe vy'a añeteguáva Hesu Crísto sacrificio (ñemano) rupi.

Ha ani haġua ohundi ko py'aguapy Galaciayguakuéra 5:16-17-pe he'i: "Peikókena Espíritu Santo (Pytu Porãmbáva) poguýpe, upéicha ramo ndapejapomo'avéi pende yvyarigua ro'o rembipota vai oñemoĩva Espíritu Santo (Pytu Porãm-



báva) rehe, ha pe Espíritu Santo (Pytu Porãmbáva) oñemoĩ pe yvyárigua ro'õ rembipota vai rehe, mokõivéva oñorãirõ oñondive ani hañua pejapo umi mba'evai pejaposéva”.

Heta cristiáno (creyente) oho iglésiape, oñembo'e hañua ho'u pe sánta céna, opurahéi Ñanderuetepe ñuarã, hembiaipo vai rupi katu omosãingo jevy Hesu Crístope kurusúre, ha omotĩ Ichupe heko vai rupi.


Matéo 7:21-pe he'i: “Ndaopavavéi he'íva chéve: Che Jára, che Jára, oikéta yvágape, upe ojavóva che Ruete yvága pegua rembipota mante”.

Júdas omoirũ Hesu Crístope mbohapy año, ohayhuvégui katu pirapire Hesu Crístogui oñehundi ha oho ojejuvy, (Matéo 27:5b).

Heta kuimba'e ha kuñakuéra orecevise Ñanderuete jehovasakuéra: Tekove, tesãi, ama, kuarahy ha heta ambue mba'epora. Noñemomiriséi katu Ñanderuete poguýpe. Ohék-ánte ijapoharépe ohasa asy jave. Matéo 10:32-33-pe he'i: “Oimeraẽ omyasáiva che ñe'ẽ hembiaipo porã ha iñe'ẽ rupi hapichakuéra apytépe, Che aikuaaukáta avei ichupe che Ruete yvága pegua renondépe. Ha upe chenegáva hapichakuéra apytépe, Che aikuaaukáta avei ichupe che Ruete yvága pegua renondépe. Ha upe chenegáva hapichakuéra apytépe, che avei anegáta ichupe che Ruete yvága pegua renondépe”.

TA'ÃNGA CINCOHA

Ko ta'ãngápe jahecha peteĩ kuimba'e korasõ heko potíva, ojesalva'ekue Hesu Crísto jeporiahuvereco ha grácia (mbo-rayhu) rupi. Ipy'apy Ñanderuete róga, oikohápe Hesu Crísto ha Espíritu Santo (Pytu Porãmbáva).



Juan 14:23-pe he'i: "Upe cherayhúva katuete ojapo avei che rembipota, ha che Ruete ohayhu avei ichupe, ha rojuva'erã hendápe rombosako'i hañua ore rekoha ipype".

Ko kuimba'e py'apýgui oñemosẽma hembiaipo vai. Pe Espíritu Santo (Pytu Porãmbáva) oiko ipype peteĩ yvyra hi'a poráva ramo, ome'ẽvo: Mborayhu, vy'a, py'aguapy, paciência, oporombohorýva, py'aporã. jerovia, ñemomirĩ, jejokokuaa", (Galaciayguakuérape 5:22-23a).

Ha'e ndoikovéima umi mba'e ohecháva ni oñandúva rupi, ko'ãña oikóma ijerovia rupi. Upe ojeroviáva Hesu Crísto rehe ombopoguy ko múndo mba'e, ha oha'ãrõ Hesu Crísto jeju-jevuy pya'e, ko esperánza kóva omombarete porã ko kuimba'e kóvape. Ha'e oikóma mborayhu añeteguáva rupi Ñanderuete mborayhu oĩgui ipype.

Matéo 5:8-pe he'i: "Ovy'aite umi ipy'a potĩ joheipyréva, ha'ekuéra ohechava'erã Ñanderuetepe". Pe tetã ruvicha David irico iterei ha ombopoguy ramo jepe heta hese ija'e'ỹvape, iñorãirõnguérape, oikuaa porã pe ñorãirõ guasuvéva oikoha ñandepype voi, ha iñembo'épe he'i: "Ejapomína chepype Nde, che Ruete, peteĩ py'apy ipotíva, ha embopyahu chepy-pe peteĩ espíritu (pytu) imbaretéva", (Sálmokuéra 51:10).

Avave ndaikatúi omopotĩ ipy'apy ky'a ipu'aka teéva rupi, oñembyasyeteva'erã oiko vai haguére ha ohekýivo Ñanderuete perdon, tetã ruvicha David ojapo haguéicha, ha oñeme'éva'erã ichupe peteĩ korasõ ipyahúva.

Opaite mba'e vai ha pensamiénto vai oikese jevýva ñande py'apýpe ñamoĩ Hesu Crísto kurusu guýpe. Ko ta'ãngápe ojehecha jevuy peteĩ ángelpe, oñangarekóva umi ojeroviatéva Hesu Crísto rehe. Ehecha: Salmokuéra 34:7; Daniel 6:22; Matéo 2:13; 18:10; Apostolkuéra rembiapokue 5:19; 12:7-10).


1 Pédro 5:8-pe katu he'i: "Peñemoakāguapy ha peñeñangarekóke, pe mba'epochy (aña, Satana) penerãiróséva oikógui pende jerekuévo leõ okororóváicha, ha oheka mávapepa ho'úta". Matéo 26:41-pe katu he'i: "Peñeñangarekóke ha peñembo'e ani haḡua pejepy'ara'ãtei. Pe espíritu (pytu) ningo ikyre'y, pe to'o (ãnga) katu ikangyete". Ha Tiágo 4:7-pe he'i porã avei: "Peñemoĩ Nanderuete poguýpe, ha peñemoĩ hatãke mba'epochy rehe (aña rehe) ha ha'e okañýta pende ypýgui".

TA'ÃNGA SEISHA

Ko ta'ãnga ohechauka peteĩ mba'e itrísteva. Ko kuimba'e kóva oheja ipensamiénto vai oike jevy ipy'apýpe ha aña oipytyvõ gueteri ichupe ko mba'evai kóvape. Ha'e oho gueteri iglésiape, áḡa katu nomongaru porãvéima hi'ãnga ni ijespíritu (ipytu) Nanderuete ñe'ẽ rupi, noñembo'e porãvéima, ndojapysakavéima ipy'apyñe'ẽ rehe, noñorãirõsevéima ijyvyarigua rembipota vai rehe, oikomive ohóvo creyente gua'u ramo (cristiáno gua'u ramo) ha ohayhumive ohóvo ko múnido mba'ekuéra: Víno, cervéza, káña, kuña vaikuéra, envidia, ha'e ijapu, oñembotuicha, oñe'ẽ vai hapicháre, omonda, oñorãirõ, ha'éntese, oka'u, okaru heta iterei, ohayhu eterei pirapire, (Galaciayguakuérape 5:19-21). Ha'e ojapysakave añare, Hesu Crísto rãngue rehe. Umi pensamiénto (temiandu) vai oḡuahé oimeraévape, ndajahejaiva'erã oike ñande py'apype opyta haḡua, ñamosẽ katu oikesévo ñande py'apype.

Pe guyra ovevéva che akã ári ndaikatúi ajoko, ajokokuaa katu ani haḡua ojehaitypo che akã ári. Ñame'ẽ ramo Satanáme (añáme) ñane kuã'i, pya'e oñekarama (ojagara) ñande póre ha upéi ñane ãngare, ogueraha peve ñande espíritu (pytu) aña retãme, (Matéo 13:38-39).

Matéo 26:41-pe he'i: "Peñeñangarekóke ha peñembo'e ani haḡua pejepy'ara'ãtei. Pe espíritu (pytu) ningo ikyre'y, pe to'o



(ãnga) katu ikangy”. Ha 1 Corintoyguakuérape 10:12 he’i: “Upe oimo’áva oñembo’y porãha (oiko porãmba) toñangareko porã ijehe ani hağua ho’a avei”.

Upévare apostol Páblo ñandeavisa porãse he’ivo: Efe-soyguakuérape 6:10-18-pe “Peñemokyre’ÿke Ñanderuete pu’aka guasu rupi, peẽ penembarete hağua”.

11- Peiporu hekópe Ñanderuete ñorãirõ rembiaporukuéra pe-ñemoĩ hağua Satana rehe, ha’e pendereityse ramo iñuháme.

12- Ñande ningo nañañorãirõi tuguy ha to’o ndive (ñande rapicha ndive), ñande ñañorãirõ uvei umi mburuvicha guasu yvategua ndive (Satana ndive), umi mburuvicha guasu hetaitéva ndive, umi oisãmyhýva ko múndo pytũ meguápe, umi pytu ñaña, mba’epochy yvága pegua ndive.

13- Upévare peiporu porãke opaite Ñanderuete ñorãirõ rembiporukuéra ikatu hağua peropu’akapa, oğuahẽ ramo pe ára vai ha Satana pendereityse ramo iñuháme.

14- Upévare, peñembosako’i porãke, peñembo’y hatãkena ha pejeku’a jopy porãke, kóva he’ise peñemboykeva’erãha pe japúgui ha pejeva’erãha pe añetegua; ha peñemonde pepe kamisa hierroguiguávape, kóva he’ise peñemboheko potíve pehóvo.

15- Pemonde pende py rehegua, kóva he’ise pemombe’uva’erãha Ñanderuete ñe’ẽ porãite (evangélio).

16- Ha pejapyhy pe tete mo’ãha, kóva he’ise pejerovia hatãke Hesu Crísto rehe, pemboguepa hağua Satana hu’ỹ rendyeta.

17- Pejapyhy avei pene akã mo’ãha, kóva he’ise pejejokóke pende salvacionrã rehe, ha pejapyhy pe kyse puku, kóva he’ise peñemo’ã ha pendyry Ñanderuete ñe’ẽ (Biblia) reheve umi oñemoĩvare penderehe”.

18- Peñembo’e tapiãkena pe Espíritu Sánto (Pytu Porãmbáva) oipota háicha, aníke pendepy’a kangy, pejerurepeína pene ñembo’épe opaite Hesu Crísto reheguáva rehe.

TA'ĀNGA SIETEA

Ko ta'ānga ohechauka ko kuimba'e opoi haguéma Hesu Crístogui. Lúcas 11:24-26-pe he'i: 24- "Pe mba'epochy osé ramo peteī tapichágui, oho ñu perō rupi oheka tenda opytu'ú haḡua. Ha ndojohúimarō, ha'e ojevy hogakue teépe".

25- Ha ojevyvo ojohu hogakue ojetypeipapyre ha ojequakapa porã.


26- Upémarō oho ogueru hendive 7 ambue mba'epochy, iñañavéva ichugui, oiko haḡua hikuái ipype, ha ipahápe pe kuimba'e péva oiko vaieteve oiko haguégui iñepyrũrãme.

Pe Espíritu Sánto (Pytu Porãmbáva) ojehechauka pe pykasu rupi ojei pe kuimba'e korasōgui, Ha'e ndaikatúi oikohína angaipa reheve. Ndaikatúi pe kuimba'e korasōme (Espíritu Sánto (Pytu Porãmbáva) róga) oiko py'aguapýpe pe Espíritu Sánto (Pytu Porãmbáva) ha aña oñondive. Nanderuete katu oha'ãrō oimeraéva ikatuha ojevy, oñembyasyete ramo ha oheja ramo hembiaipo vai. Ojehu haguéicha pe mitãrusu oikova'ekuépe iñakãre, (Lúcas 15:18).

Ko kuimba'e kóvape katu noñembyasyséi, ndojapysakaséi ipy'apyñe'ẽ ni Espíritu Sánto (Pytu Porãmbáva) he'iukávare ichupe. Ha'e notí-véima hembiaipo vai reheve. Satana (aña) oisãmbyhýma ko kuimba'e korasō. Satana, pe japu túva, oiko jevýma ijãra ramó.

Sapy'a py'a ko kuimba'e oñeñandu vai ramo jepe aña poguype, ha'e oñemomandu'a icreyénte rekove porãnguére ha pe py'aguapy oguerokova'ekuére, umi mba'epochy katu oikéma ichupe mbaretépe ha ndopoisevéima ichugui, (Márkos 4:15; Lúcas 22:3; Apostolkuéra rembiapokue 5:3).

Nde, che irũ, remoñe'ẽva ko kuatiami, reime riréma ko teko vai kóvape, enembyasyete ha ejerure asy Nanderuetepe Ha'e




neperdona haḡua ha nderecivijevy haḡua hemimbo'e ramo, lpu'aka porã rupi. Ha'e nemosãsóta aña poguýgui nde repotaite ramo. Kóva nde oportunidad ýrõ reñehundive rehóvo ha ne renondêrame rehóta katuete aña retãme, rehasa asy haḡuáme, aña ndive, tapia ḡuara, (Romayguakuéra 6:23; Lucas 16:23; Apocalípsis 20:14).

TA'ÃNGA OCHOHA

Ko ta'ãngápe jahecha pe kuimba'e omanombotáva, ipy'apýpe ohasa asyete ha okyhyje pe ñemanorãgui. Pe ñemano, ojehechauka pe tetekue rupi, oḡuahêma pe ára ha'e oha'ārõ'ýva. Pe vy'a oñandúva hembiaipo vai poguýpe ojeíma ichugui, ha ko'áḡa ha'e oñembohovakehína pytu vaípe, oguerahaséva ichupe aña retãme. Pe tata rendy, ogue'ýva'eráva araka'eve, oñepyrũ ojopy pe omanombotávape. Ko'ápe ae ha'e oñembo'ese ha ojohu hasýma ichupe oñe'ẽ haḡua Ñanderuete ndive, ha iñirũguéra (iñamigokuéra) okyhyjepáma avei opyta haḡua ijkére, pe hupa omanotahápe, ha iñe'ẽ rei nomo'angapyhýi ichupe, ni ipastor gua'u noipytyvõkuaái ichupe, ha'e voi ndojerovia porãigui, oñehundíma pe esperanza.

Ha'e oha'ārõkuri peteĩ ára oñemoĩ porã jevy haḡua Ñanderuete ndive, ha'e ombohare tapia katu ha ko'áḡa itarde itereima, ha oñandu hasy etereiha ojojohu haḡua ljarahare ndive, (Hebreoyguakuérape 10:31).

Ha Matéope he'i: "Upéi Ñanderuete he'íta umi ijasu gotyuguápe: Pejei che ypýgui peẽ tekove ñañaita ha tapeho pe tata rendy apyre'ýme oñembosako'imava'ekue pe aña ha umi aña retã rembiguaikuérape ḡuarã". Hebreoyguakuérape 9:27 he'i avei: "Kuimba'e ha kuñakuéra omanova'erã katuete ha upéi oikóta pe ñembojovake guasu (pe juicio paha pegua)".



TA'ĀNGA NUEVEHA

Ko ta'āga kóva ohechauka peteĩ creyéntepe, (cristiánope) ojerovia porāva Hesu Crístore, ohasa asy ramo jepe heta jepy'ara'ã rupi. Satana hembiguái ndive oiko ijerekuévo, oñeha'amba hikuái oity haġua ko creyéntepe iñuhāme (Apostolkuéra rembiapokuépe 5:41; 2 Timotéope 3:12; 1 Pédro 4:13; 5:10; Apocalípsis 2:10).

Ko creyénte ojepyara'ã heta ramo jepe oma'ẽ Hesu Crísto rehe; Ha'e voi ñande jerovia Apohare, Hendive ñañepyrũ jajerovia ha Hendive ñaġuahẽ ñande jerovia ru'āme. Hebreoyguakuérape 12:2-pe he'i: Ha ñama'ẽ Hesu rehe, Ha'e voi ñande jerovia Apohare, Hendive ñaġuahẽ ñande jerovia ru'āme. Hesu oha'ārõ pe vy'a outavahína Ichupe ġuarã, upévare Ha'e ohasa asy ha omano ikurusúre otĩ'ýre. Ha ko'áġa Ha'e oguapyhína Ñanderuete yke akatúape”.

1 Corintoyguakuéra 10:13-pe he'i: “Umi jepy'ara'ã pehupityva ndaipohýi etereíri, yvyarigua reheguánte. Ñanderuete ndohejamo'ái ipohýi eterei pegueropu'aka'ý haġuaicha, Hendivénte voi oĩ pe pohã pegueropu'aka haġua, ha Ha'e ome'ẽta peẽme peteĩ tape peropu'akapa haġua”. Pe jaguarete rendaguépe, aña ojehechauka peteĩ búrope, ombotavy haġuánte oñemoambue, ani haġua pe creyénte ohechakuaa pe pelígro, ha ho'a haġua aña ñuhāme, pe angaipápe. Opaichagua vy'a ko yvy ári rupi oipy'ara'ã pe creyénte, ha'e katu ndo'ái iñuhāme. Pe kurusu akatúape ojehecha peteĩ kuimba'e ikyse reheve. Iñe'ẽ vai rupi oikutuse pe creyéntepe. Pe creyénte ndojapysakái iñe'ẽ rehe, ohenduse katu Ñanderuete ñe'ẽ: “Pevy'aite pende rapicha pendeja'o ramo, pendepersegui ramo ha japúpe oñe'ẽ vai ramo penderehe che réra rehehápe”, (Matéo 5:11).

Pe angaipá, ñande ro'o rembipota vai ha pe aña (Satana) tapia

ñandepe'ase Ñanderuete mborayhúgui. Romayguakuérape 8:35-37-pe katu he'i: 35- "Mávapa térã mba'épa upéicharamo ñandepe'akuaa Hesu Crísto mborayhúgui: Jehasa asy, térãpa kyhyje, térãpa persecusion, térãpa ñembyahýi, térãpa opívo jeiko térãpa pelígro, térãpa jejuka". 36- Ojehai háicha Ñanderuete kuatione'eme: "Nderehehápe katu orejuka hikuái opaite árape; rojeguereko ningo umi ovecháicha ojegueraháva ojejuka hañuáme". 37- "Opaite ko'ã mba'e vai ñande jagueropu'akapa Hesu Crísto rupi, ñanderayhúgui". Pe creyente oiporu ramo hekópe Ñanderuete ñorairõ rembioporukuera ombopoguýta opaichagua jepy'ara'ã, Hesu Crísto ruguy ha Espíritu Santo (Pytu Porãmbáva) pu'aka porã rupi, (Efesoyguakuérape 6:11-19). Pe jasytata oñe'ẽ pe py'aguapy ñe'e ipotíva ha omimbíva rehe.

Ñanderuete ángel, pe Bíblia, omomandu'a pe creyentepe oíha heta promésa porã upe oaguanta porávape opaite jepy'ara'ã iñemano meve. Ñamone'ẽ háicha Apocalípsis 2:7,11,17,26; 3:5,12,24-pe.

2, 7- "Pe ijapysáva tohendu pe Espíritu Santo (Pytu Porãmbáva) he'íva ijiglesiape: Pe ombopoguýva mba'evai che voi ame'ëta ichupe pe tekove vyvra'a oíva Ñanderuete vyvraty mbytépe".

2, 11- "Pe ijapysáva tohendu, pe Espíritu Santo (Pytu Porãmbáva) he'íva ijiglesiakuérape. Upe ombopoguýva mba'evai natekotevêi okyhyje pe ñemano mokõihágui".

2,17- Pe ijapysáva tohendu pe Espíritu Santo (Pytu Porãmbáva) he'íva ijiglesiakuérape: "Pe ombopoguýva pe mba'evai, Che ame'ëta ichupe pe mana ñemimby ha ame'ëta avei ichupe peteí ita morotí ojehaihápe héra pyahu avave oikuaa'ýva, pe ohupityva mante".

2,26- "Oimeraẽ ombopoguýva pe mba'evai ha ojavóva Che rembipota ipaha peve, Che ame'ëta ichupe pu'aka oisãmbyhy hañgua umi tetãyguva ojerovia'ývape".

3,5- "Upe ombopoguýva mba'evai oñemondéta ao morotíme; ha ndaípe'amo'ái héra pe tekovete rehegua kuatione'ëgui,

amombe'uva'erã uvei héra che Ruete ha yvága rembiguai-kuéra renondépe.

3,12- Upe ombopoguýva mba'evai, Che ajapóta ichugui peteĩ horcon (yta) che Ruete iglésia guasúpe, ha araka'eve ndojepe'amo'ãi hendágui ha Che ahaíta hese Che Ruete réra ha Che Ruete táva réra, ko táva kóva ningo Jerusalen, oguejýtava yvágagui, ha hese ahaíta avei Che réra pyahu”.

Pe vosa'i ojepe'áva ohechauka ñandéve ko creyénte py'apy, ha ipirapire Ñanderuete mba'eha. Ha'e ndoiporu vaíri ipirapire, ome'ẽ idiézmó térã hetave ijiglésiape, mboriahukuérape, misionerokuérape, omyasãi haḡua Hesu Crísto evangélio porã.

Pe kuation ñe'ẽ, pe BÍblia, kurusu guýpe oíva, ha'e oestudia oikuaa porã haḡua mba'eichaitépa oikova'erã ko yvy apére, ipype ojohu tekombó'e porãva, tesape haperãme, ñe'ẽ omoangapyhýva, térã ohekombo'éva ha omyatyro hekove.

Pe creyénte oikuaa tekotevéha ogueraha ikurusu (ijehasa asy) ohupity haḡua icoróna ha pe tekove opaveýva. Pe creyénte oikóva Espíritu Sánto (Pytu Porãmbáva) poguýpe ojogua peteĩ yvyra oñeñotýva yvy porãme, ysyry rembeýpe, ha hi'ã porãva. Pe creyénte ánga okyhyje ramo jepe omano haḡua, ijespíritu (ipytu) ovy'aite ojejohútare Hesu Crísto ndive yvágape, ha oikóta tapia ḡuarã Hendive.

TA'ÁNGA DIEZHA

Hesu Crísto he'i Juan 11:25-26 pe: “Che ningo pe jeikove jevy ha pe tekovete. Oimeraẽ ojeroviára guive cherehe omano ramo jepe, oikove jevyva'erã. Ha opaite oikovéva ha ojeroviaitéva cherehe, nomanomo'ãi tapia ḡuarã”. “Ha upe ohendúva ha ojeroviáva pe chembouva'ekue rehe, oguerékóma pe tekove tapia ḡuaráva, noñecondenamo'ãi, ohasámagui omanómava apytégui oikovéva apytépe”, (Juan 5:24). Ñemano moõpa oime nde pu'aka. Ñemano, moõpa oime ne



10

popíã. Ñemano popíã ningo pe tembiapo vai (angaipa), ha pe tembiapo vai pu'aka ojekuaa porã katu Ñanderuete rembiapoukapy rupi. Upévare jaagradece Ñanderuetépe, Ha'e ñanerenohé haguére pe ñemano tapia ġuarãvagui, Ñandejára Hesu Crísto rupi, (Corintoyguakuérape 15:55-57).

Hesu Crísto he'i porã ñandéve Juan 14:1-3-pe: "Ani pejepy'apy ni peñemondýi pende py'apýpe, pejerovia uvei Ñanderuete rehe ha pejerovia avei Cherehe". Che Ruete rekohápe (yvágape) oí heta óga, upeicha'y rire ha'eva'erãmo'ã peême, ko'ága katu aháta ambosako'i haġua pende rogarã. Ha che aha rire ha ambosako'ipa rire avei, aju jevýta pene rendápe pogueraha haġua chendive peẽ peiko haġua avei Che aikohápe. Pe creyénte (cristiáno) ãnga sapy'a py'a okyhyje ramo jepe omano haġua, pe creyénte espíritu (pytu) katu ovy'aite ha oha'ãrõite ojejohu haġua Ñanderuete, Ijapohare, ha Hesu Crísto, Isalvador ha Ijára ndive; pe creyénte oguata porã guive Hesu Crísto rapykuéri ha pe Espíritu Sánto (Pytu Porãmbáva) poguýpe. 1 Corintoyguakuérape 2:9 he'i avei: "Kuimba'e ha kuña resa ndohechaiva'ekue, ha ijapysa nohenduiva'ekue ha ipy'apýpe naheñoiriva'ekue, aipo mba'e Ñanderuete ombosako'ímava umi Ichupe ohayhúvape ġuarã", (Isaías 64:4).

Ndaipóri tetãnguéra ñe'ẽ omombe'u porãkuaáva opaite mba'e oñembosako'imbámava creyénte añeteguávape ġuarã ha oñemoĩmbamava'ekue Hesu Crísto pópe. Pe tapicha retekue rendaguépe ojehecha ko ta'ãnga kóvape, Ñanderuete ángel oguerahaséva pe creyénte añeteguáva espíritu (pytu) Ñanderuete rendápe, ojei rire hetégui, ha péva oñeñotýta yvy guýpe, oha'áróvo pe ára Ñanderuete ohenoitaha avei ichupe omoirú jevy haġua ijespíritu (ipytu) ndive, oñeme'ẽ haġua ichupe peteĩ tete ipyahuetéva. Apocalípsis 14:13-pe he'i: "Ehai, ovy'aite umi creyénte omanótava águi rire, ha omoĩmbámava hekove Ñanderuete pópe oikove aja, pe

Espíritu Santo (Pytu Porãmbáva) he'igui: Opytu'uva'erã hikuái hembiapokuérãgui, hembiaipo porã omoirũgui ichupekuéra”.

Nde, che irũ, remoñe'eva (releeva) ko kuaña ñe'emi, ojoguáva peteĩ espéjope ñande py'apýpe ñuarã, Ñanderuete tanepytvõ nde reikũmby (reentende) porã haña ko ñe'ẽ añetegua ha reñeme'ẽmba avei Hesu Crísto pópe, ha'e oiko haña avei nde Jára ha nde Salvador ramo. Ha'e voi he'i ndéve: “Che ra'y eme'ẽmína chéve ne korasõ”, (Provérbios 23:26). Hesu Crísto neinvita (nepepirũ) iñe'ẽ añeteguáva rupi, (Mateo 11:28-30).

28- “Peju che rendápe opaite peẽ peñeha'ãmbáva pehupity haña pe tekove tapia ñuaráva, ha ani peẽ voi peñeha'ã reive pepoi haña pene angaipa cárga pendejopývãgui. Che mante ikatu pomombytu'u porã”.

29- “Peñemoi che cangálla (yúgo) poguýpe ha peheja Che tapohekombóe porã, Chepy'a porãgui ha Che añemomirĩgui, Chendive pejuhúta pe pytu'u añeteguáva pene ángape ñuarã.

30- Che cangálla ningo hu'ũ asy ha ivevúi pe cárga aguera-haukáva peẽme”. “Pepoi pende angaipágui ha peñeme'ẽmba Ñanderuete pópe, pe angaipa repy ningo pe ñemano, Ñanderuete me'ẽmby rei katu pe tekove tapia ñuaráva Ñandejára Hesu Crísto rupi”, (Romayguakuérape 6:23).

Ha nde che hermáno reme'ẽmava'ekue nde rekove (korasõ) Ñanderuetepe eguata (esegui) porã Hesu Crísto rapykuéri ha ijeporiahuverekópe, upéicharamo nde jerovia okakuaave ha imbaretave ohóvo Hesu Crísto ha Espíritu Santo (Pytu Porãmbáva) pu'aka rupi. Ha ko'ã ñe'ẽ Ñanderuete kuañañe'ẽgui (Bíbliãgui) nepytvõ ha nemoangapyhyva'erã:

a) “Natĩri katu, aikuaa porãgui mavarehépa che ajerovia ha che aikuaa porã avei Hesu Crísto pu'aka rupi ahupityta pe tekove tapia ñuaráva, Ha'e ou jevývo ñuarã”, (2 Timotéo 1:12b+c);

b) “Peẽ katu, che rayhupára, peheja pe Espíritu Santo (Pytu

Porāmbáva) tomboguata pende rekove ha pende jerovia Hesu Crísto rehe, ha pe Espíritu Sáto (Pytu Porāmbáva) tapenesāmyhy pene ñembo'épe. Peñeñongatu Ñanderuete mborayhupýpe, peha'ãrõ Ñandejára Hesu Crísto ou jevy peve ijeporiahuvereko reheve peiko hagua hendive tapia ñuarã", (Júda 20+21).

c) Ñanderuete toñangareko penderehe, ha tapeneñongatu opaite ñepysāngágui, Ha'e mante penemoñembo'ykuuaa heko jajaipáva renondépe, vy'apópe ha teko porāme. Upévare ñamomba'eguasú Ichupe, Ha'e ome'ẽ haguére ñanderehehápe Ita'ýra Hesu Crísto, Ñandejárape, Ha'e mante pe mburuvicha guasuetevéva, pe imbaretevéva, pe ipu'akavéva. Ha'e oikomava'ekue opaite ara'aty guasukuéra ohasamava'ekuépe, Ha'e oikohína ko'añaguápe ha Ha'e oikova'eráva opaite ara'aty guasu oútavape, upévare ñamomba'eguasú Ichupe, taupéicha (amen).

Oñeme'ětava ñandéve yvágape, Hesu Crísto rupi, ñande rogarã.

Ñande jerovia resápe jahecháma ñane retãrã.

Ñande jerovia Hesu Crístore jaikéta yvágape.

Coro:

Jaikeva'erã, jaikeva'erã, jaikeva'erã
Hesu Crísto rupi, jaikeva'erã yvágape.

Upépe jaikóta hendive tapia ñuarã
Ohasapáma jehasa asy ha jepy'ara'ã
Upévare japurahéi Hesu Crístope ñuarã.

Jaikeva'erã, jaikeva'erã, jaikeva'erã
Hesu Crísto rupínte jaikeva'erã yvágape.

A SPECIAL WORD FROM ANGP
UN MONDE SPÉCIAL DE L'ANGP
UMA PALAVRA ESPECIAL DA ANGP

This booklet "The Heart of Man" is available in over 538 languages and dialects spoken throughout the world (Africa, Asia, The Far East, South America, Europe, etc.) Our Heart Book is now also available on cell phones, tablets, etc from www.angp-hb.co.za or as an APP "Heart of Man" on Android phones.

Le livre du "Coeur de l'homme" peut être obtenu en plus de 538 langues et dialectes parlés dans le monde entier, à savoir: Afrique, Amérique, Asie, Extrême Orient, Europe. Notre Livre du Coeur est maintenant aussi disponible sur votre Téléphone cellulaire, plaques, etc. de www.angp-hb.co.za ou comme une Application "Heart of Man" sur téléphones Android.

Este livro "O Coração do Homem" é obtido em mais de 538 línguas e dialectos falados em todo o mundo, a saber: (África, Ásia, América do Sul, Extremo Oriente, Europa, etc). O nosso Livro O Coração do Homem também está agora disponível em telefone celular, tablets, etc. de www.angp-hb.co.za ou como um aplicativo "Heart of Man" nos telefones celulares Android.



The 10 heart pictures contained in this booklet are also available in the form of large coloured picture charts (86 x 61cm) bound together in a set of 10 pictures. These "Heart Charts" can be obtained with European or African features and are particularly suitable to be used in conjunction with the Heart Book for class-teaching, open air evangelization etc. Kindly contact us to ascertain the latest subsidized price of this chart.

Les 10 images du coeur qui figurent dans ce livre peuvent être obtenues en tableaux de couleur, format 86 x 61 cm, avec des physionomies européennes ou africaines. Ils peuvent être utilisés en même temps que le livre du coeur pour des classes bibliques, a

l'ecole du dimanche ou lors de reunions de plein air. Soyez aimable de nous contacter pour assurer les derniers prix en cours du tableau.

As 10 imagens do coracao, contidas neste livro podem ser obtidas num conjunto de 10 imagens em colorido no tamanho de (86 x 61 cm). Estes "Cartazes do Coracao podem ser obtidos com caracterfsticas Europeias e Africanas e podem ser usados em conjuncao com o mesmo livro em classes de ensino biblico, evangelizacao ou ao ar livre. Agradecemos que nos contacta- se para confirmacao do ultimo preco dos cartazes.



Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

Nous vous invitons a nous contacter pour faire des arrangements concernant de nouvelles traductions de notre litterature, nous informant de la langue dans laquelle vous pouvez traduire cette litterature evangelique. Votre aide sera beaucoup appreciee.

Si vous avez trouve le salut en Christ ou si vous avez ete beni par notre litterature, nous vous prions de nous le faire savoir. Nous aimerions remercier Dieu avec vous et prier pour vous.

Nos vos convidamos a nos contactar, afim de fazer qualquer arranjo concernente a novas traducoes de nossa literatura em outras lnguas. Vossa assistencia sera muito apreciavel.

Se tem encontrado a salvacao em Cristo, ou se tem sido abençoado por intermedio da nossa literatura evangelica, faca o favor de nos

informar. Pois nos gostaríamos de agradecer a Deus juntamente convosco, e lembra-lo sempre em nossas orações.



For free Gospel literature, books and tracts in over 538 languages, write to:

Pour obtenir gratuitement de la littérature évangélique, des livres et des traités en plus de 538 langues, écrivez à:

Para obter gratuitamente a literatura evangélica, livros e folhetos em mais de 538 línguas diferentes escreva para:

E-MAIL: info@angp-hb.co.za
info@angp.co.za

ALL NATIONS GOSPEL PUBLISHERS

P.O. Box 2191

PRETORIA

0001

R.S.A.

A Gospel Literature Mission financed by donations
Une Mission de littérature évangélique financée de dons
Missão de literatura Evangélica financiada por donativos

(Reg. No. 1961/001798/08)